



**Broj: 01- 90/09
Vareš, 21.04. 2009. godine**

Na osnovu člana 22. tačka 2. a u vezi s članom 57. stav 3 Statuta općine Vareš broj : 01-25/09 od 29.01.2009. godine, Općinsko vijeće Vareš na 6. sjednici održanoj dana 21.04. 2009. godine d o n o s i

O D L U K U

o kriterijima i načinu raspoređivanja sredstava za infrastrukturne projekte u mjesnim zajednicama općine Vareš za 2009. godinu.

Član 1.

Ovom Odlukom utvrđuju se kriteriji i način raspoređivanja sredstava za finansiranje infrastrukturnih projekata u mjesnim zajednicama općine Vareš iz budžeta općine za 2009. godinu.

Sredstva iz stava 1. ovog člana planirana su u budžetu općine za 2009. godinu u iznosu od 10.600,00 KM .

Član 2.

Sredstva iz člana 1. ove Odluke raspoređuju se na sljedeći način :

1. - Mjesna zajednica Pržići 5.000,00 KM
(završetak rekonstrukcije krova na Društvenom domu Pržići i dovršetak izgradnje terenske ambulante u MZ Pržići)
- Mjesna zajednica Vareš Majdan – Pajtov Han 3.000,00 KM
(rekonstrukcija i zaštita Društvenog doma u Pajtov Hanu)
2. – Hitne infrastrukturne intervencije u mjesnim zajednicama 2.600,00 KM

Član 3.

Novčana sredstva iz člana 2. tačka 1. ove Odluke će biti uplaćena na žiro račune Mjesnih zajednica Pržići i Vareš Majdan.

Ove mjesne zajednice će sa izvođačem radova napraviti aneks ugovora o izvršenju preostalih radova, a izvođač će biti isplaćen na osnovu predmjera radova i dostavljenih računa u iznosu do 5.000,00 KM (MZ Pržići), odnosno 3.000,00 KM (MZ Vareš Majdan)

Član 4.

Sredstva iz člana 2. tačka 2. ove Odluke će se dodjeljivati mjesnim zajednicama za hitne infrastrukturne intervencije.

Sredstva za ove intervencije će se isplaćivati po zahtjevu Savjeta mjesne zajednice a na osnovu zapisničke procjene za potrebnom intervencijom koju će obaviti stručno lice nadležne službe.

Član 5.

Za realizaciju ove Odluke zadužuju se : općinska Služba za privredu i finansije i Služba za društvene djelatnosti i boračko-invalidsku zaštitu.

Član 6.

Ova Odluka stupa na snagu danom donošenja i bit će objavljena na oglasnoj tabli Općine Vareš .

**PREDSJEDAVAJUĆI
Općinskog vijeća Vareš
Josip Malbašić**

Odluka objavljena na oglasnoj ploči dana 22.04. 2009. godine

**OPĆINSKI NAČELNIK
Hamdo Fatić**

O b r a z l o ž e n j e

Budžetom općine Vareš za 2009. godinu predviđena su ukupna sredstva za mjesne zajednice u iznosu od 22.600,00 KM.

Dio sredstava predviđen je za svakodnevni rad mjesnih zajednica (12.000,00 KM) a dio za infrastrukturne projekte (10.600,00 KM) .

Raspodjelom sredstava iz Odluke (10.600,00 KM) nastojali smo obezbijediti sredstva za završetak projekata koji su zastali u fazi izvođenja radova u mjesnim zajednicama Pržići i Vareš Majdan, te obezbijediti sredstva za eventualno potrebne hitne intervencije u mjesnim zajednicama u toku godine.

OPĆINSKI NAČELNIK

Hamdo Fatić